

Transkription von Urkunde MGD 1370a

Ort, Datierung: Magdeburg, 1370-06-15

Signatur: Landeshauptarchiv Sachsen-Anhalt in Magdeburg, U 4b, Calbe Nr. 4a [\[online\]](#)

Inhalt: Albrecht Denen: Rentenkauf

Jk albrecht dene(n) Būrg(e)n tū megedebūrch Beke(n)ne openbare in diss(e)m iegenw(er)digen breue
dat / ek af ge coft hebbe dem erwerdigen heren . Biscop Tiderike van der gnade goddes Ertzebiscope /
des heyiligen goddeshuses tū megedebūrch Teyn m(a)rk geldes Brande(n)bur(gers) silue(re)s van den
vīrtich / m(a)rken de de Jrgenante here heft tū voren ut(vanghen) ut der Stat tū Calue vor hundert
m(a)rk Brande/burges silue(re)s Mit deme vnderschede dat de erbare here vorgeant eder sin
Nachkomeling vnd(e) / dat Cappittel des heyiligen goddeshuses tū megedebūrch mogen weder Copen
de teyn m(a)rk vorscre/ue(n) vor hundert m(a)rk Brand(eburgers) silue(re)s albrechte dene(n) af eder
sine(n) erue(n) vnde deme medevor=/breuet sin vnde wa(n)ne sie de hundert m(a)rk geue(n) na
vtwisinge der Breue dar se mede vorbre/uet sin so scal ek albrecht dene(n) eder mine rechte(n) erue(n)
vnde we dar mede vorbreuet is de bre=/ue weder antwerden willicliken . ane allerleyge argelist den
Bv̇rge(re)n tū Calue ane wederspr(a)/ke vnde hebbe tū Orkunde diss(e)n bref geue(n) van . myner
wegene vnde myner erue(n) vnde / der de dar mede vorbreuet sin den Bv̇rge(re)n tū Calue Besegelet
mit myne anhangene(n) / des we alle Bruken Na goddes burt dritteynhundert Jar indeme
Syeuentigensten Jare / Jn sente viti daghe [...ano desti ...] mit minen Jngesele /